

UGOVOR

za usluge štampanja publikacije
„Bilten Ustavnog suda Bosne i Hercegovine za 2022. godinu“.

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine (u daljem tekstu: **Naručilac**)

i

ŠTAMPARIJA FOJNICA d.d. Fojnica Prokoški put bb, Fojnica, koga zastupa Senad Šabanović, direktor (u daljem tekstu: **Izvršilac**)

Član 1.

Predmet ovog ugovora je štampanje i isporuka publikacije „Bilten Ustavnog suda Bosne i Hercegovine za 2022. godinu“ prema definisanim uslovima iz poziva za dostavu ponuda broj SU-08-596/23 od 14. jula 2023. godine i prema sadržaju ponude Izvršioca broj 168/23 od 26. jula 2023. godine, sa kojom je Izvršilac učestvovao u provedenom postupku direktnog sporazuma i koja je sastavni dio ovog ugovora.

Član 2.

Cijena za štampanje publikacije „Bilten Ustavnog suda Bosne i Hercegovine za 2022. godinu“ iznosi 16,30 KM bez PDV-a za jedan primjerak publikacije, što ukupno za tiraž od 200 komada iznosi 3.260,00 KM bez uračunatog PDV-a odnosno 3.814,20 KM sa uračunatim PDV-om.

Član 3.

Naručilac se obavezuje da će Izvršiocu dostaviti pripremu materijala za štampanje putem mail-a.

Za kvalitet isporučene publikacije iz člana 1. ovog Ugovora garantuje i odgovara Izvršilac, koji Naručiocu garantuje da publikacije potpuno odgovaraju svim tehničkim opisima, karakteristikama i specifikacijom iz poziva za dostavu ponuda Naručioca i prihvaćenoj ponudi. Ukoliko se po prijemu konstatuju nedostaci u pogledu kvaliteta isporučene publikacije, Izvršilac je obavezan da, bez naknade, nedostatke ukloni odmah, a najkasnije u roku od 5 (pet) dana od dana prijema pismenog naloga Naručioca. U suprotnom posao se neće smatrati izvršenim.

Izvršilac se obavezuje da će izvršiti poslove štampanja i isporuke publikacije iz člana 1. ovog ugovora najkasnije 30 dana od dana zaključenja ugovora.

Član 4.

Izvršilac se obavezuje da će po obavljenom poslu izvršiti isporuku publikacija na adresu Naručioca - Reisa Džemaludina Čauševića broj 6, III sprat, Sarajevo.

Izvršilac se obavezuje da će dostaviti fakturu na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 10 dana po kvalitativnom i kvantitativnom prijemu robe bez primjedbi i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 7.

Ovaj ugovor stupa na snagu danom potpisivanja od obje ugovorne strane.

Član 8.

Ugovor je sačinjen u četiri (4) istovjetna primjerka, od kojih obje ugovorne strane zadržavaju po 2 (dva) primjerka.

ZA IZVRŠIOCA

Senad Šabanović

Direktor



Datum: 04. 8. 2023. god
Broj: 54/23-U

ZA NARUČIOCA

Nataša Vuković

Generalni sekretar

Ustavnog suda Bosne i Hercegovine

Datum: 2. avgusta 2023. godine
Broj: SU-08-596-2/23